

فجعلهم جذاذا | " محاضرة " | #الجمعية_الشرعية_بالمنصورة |

د . حازم شومان

حازم شومان

الحمد لله وكفى وصلاة وسلاما على عباده الذين اصطفى آآ طبعاً يا اخواني في الله انا مش شايفكم اوي يعني ايه يعني انا يعني ايوه كده شايفكم كويس بس انا مضطر ان انا البس النضارة. عشان بس يعني ايه حاجة بسيطة كده عملية بسيطة كده في العين بس فانا ايه - 00:00:00

يعني جزاك الله خيراً يا حبيب قلبي حاجة بسيطة يعني الموضوع في تصحيح الافصائي في تقوية الابصار يعني ان شاء الله. ربنا يحفزكم ويبارك فيكم يا رب. فانا يعني مضطر ان انا - 00:00:24
الحرم من نوركم النهاردة بس من لطف ربنا ان انا جيت النضارة. اللهم لك الحمد. لان موضوع الكشافات الجديدة ديت كانت هتبقى مشكلة لو كان من غير النضارة. المهم يا اخواني في الله. السلام عليكم - 00:00:34
ورحمة الله وبركاته ما شاء الله لا قوة الا بالله. واضح ان العزائم في شعبان مولعة. يا ابني السلام عليكم ورحمة الله وبركاته. ايوه كده المهم البركة ربنا يحفزكم يا اخواني في الله. الحمد لله وكفى وصلاة وسلاما على عبادي الذين اصطفى. اللهم لك الحمد كله ولك الملك كله. وببذك الخير كله واليك - 00:00:44

يرجع الامر كله. لبيك يا ربنا وسعديك والخير كل الخير في يديك. والشر ليس اليك. انا بك واليك. تباركت وتعاليت استغفرك واتوب اليك. اللهم صل على النبي محمد وعلى ازواجه امهات المؤمنين وعلى ذريته وال بيتك انك حميد مجيد. اما بعد فسبحان الله - 00:01:07

اخواني يعني الايات اللي قرأت في صلاة المغرب بصراحة في اية شدتني اوي. يعني وانت بتتفاعل كده مع قول الله سبحانه وتعالى والذين يقولون ربنا اصرف عنا عذاب جهنم. ان عذابها كان غرامة اية مرعبة. يعني ناس مرعوبة من النار حاسة ان جهنم وحشة هيهجم عليها. حس - 00:01:27

ان جهنم لو ما ابتلعتش غير واحد في البشرية هتبتلعها هتبتلع هذا الشخص اللي بيدعي ربنا سبحانه وتعالى. تخيل من كتر احساسه حاسس بايه ؟ ربنا اصرف عنا عذاب جهنم. ان عذابها كان غراما. انها ساءت مستقرا ومقاما. متوقع يا اخواني - 00:01:47

ان الانسان اللي هيعيش بمشاعره ومع جهنم لهذه الدرجة الانسان اللي هيعيش بمشاعره مع الدار الآخرة لهذه الدرجة لن يستطيع ان يتصل في الدنيا ولن يستطيع ان يمارس الدنيا تفاجأ ان الآية اللي بعد اية جهنم والذين اذا ايه - 00:02:07

انفقوا فلوس اية بتتكلم عن المعاملات بالفلوس. اية بتتكلم عن المعاملات المادية والتوازن في المعاملات المادية لم يسرفوا ولم يقتروا وكان بين ذلك قوامة. اية بتتكلم عن التوازن في الدنيا. التوازن في العلاقة بالدنيا. التوازن في الحياة. يا رب - 00:02:25
به الكلام ده يا اخوانا دي تربية عقلية لنا يعني كناس بنتلقى من كتاب الله سبحانه وتعالى. ان مش معنى ان مشاعرك تبقى تجاه الدين مشاعر عظيمة ان انت لما تخرج برة المسجد تبقى انسان غير متوازن في حياتك. لازم نتعلم التوازن في حياتنا يا اخواني في الله.

المقصد ان احنا ان شاء الله - 00:02:45

بازن الله هنتكلم النهاردة عن ايات يعني من اعظم آآ الايات اللي ممكن تهز قلب اي حد مننا. وكيف لا وهي تتحدث عن سيدنا ابراهيم عليه السلام تتحدث عن خليل الرحمن عليه السلام يعني يا اخواني في الله احنا في التحيات في كل صلاة بنقول اللهم صل على

محمد وعلى ال محمد - 00:03:05

كما صليت على مين؟ على ابراهيم. طب ليه مش كما صليت على موسى؟ ليه مش كما صليت على عيسى؟ ليه مش كما صليت على نوح؟ ليه مش كما اشمعنى كما صليت على ابراهيم؟ اشمعنى سيدنا ابراهيم اللي ربنا اراد ان قلوبنا ترتبط به في كل صلاة بهذا

المنظر؟ هل لانه هو اللي - 00:03:25

من القبله بتاعتنا؟ هل لانه هو اللي بنى الكعبة اللي انت في الصلاة بتتوجه اليها؟ هل لان هو اللي ضحى باغلى ما يملك بفلذة كبده عشان ربنا ليقيموا الصلاة اللي انت دلوقتي بتصليها. هل هل انما المعنى يا اخواني ان شخصية سيدنا ابراهيم اللي ربنا اراد انك ترتبط بها في كل صلاة. وانك - 00:03:45

في كل صلاة تتذكر هذه الشخصية. لابد انها شخصية مطلوب ان احنا نتواصل معها ونعيش معها. عايزين حد يقوم يجيب لنا مصاحف بقى كلنا بازن الله سبحانه وتعالى حد يقوم يجيب مصاحف للاخوة يعني حداد يقوم ويجيبوا مصاحف للاخوات بازن الله سبحانه وتعالى. وعايزين نفتح على سورة الانبياء - 00:04:05

عايزين نفتح على قول الله سبحانه وتعالى ولقد اتينا ابراهيم رشده من قبل وكنا به عالمين. وكنا به عالمين. حد يجيب لي مصحف كمان جزاك الله خيرا خالص حبيب قلبي ربنا يحفظك - 00:04:25

هنحفز يا اخواني هنفتح على سورة الانبياء صاد تلتمية ستة وعشرين المصحف بتاع الملك فهد المصحف اللي اخر الصفحة اية آ صاد تلتمية ستة وعشرين يلا يا اخواني في الله - 00:04:42

ربنا يحفزكم يا رب ويبارك فيكم. ها نفتح كتاب ربنا كده الواحد بيستبشر لما لما بنفتح كتاب ربنا. الواحد بيستبشر لما بيبقى الكلام كله حوالين فهم ايات ربنا سبحانه وتعالى. الواحد بيستبشر يا جماعة بالمنزر اللي انا شايفه قدامي ده. بمنزر ان كل واحد مشغول انه يفتح المصحف - 00:04:58

او انه يفتح الموبايل بتاعه على المصحف اللي على الموبايل ان هو يفتح القرآن ويص في الايات ونخرج باذن الله سبحانه وتعالى من الليلة ديت مرتبطين بايات الله سبحانه وتعالى ومرتبطين بمعاني في كتاب الله. عايزين نركز مع بعض بقى يا اخواني. رمضان لسة عليه ثلاث اسابيع يا شباب. كنا من شوية بنقول - 00:05:18

رمضان لسة عليه ثلاث شهور. الوقتي رمضان لسة عليه ثلاث اسابيع. بازن الله سبحانه وتعالى ليلة النصف من شعبان الخميس الجاي. يعني خلاص يا اخواني كل سنة وانتم طيبين خلاص يا جماعة رمضان على الابواب عايزين نبدأ مدارس القرآن من الان. عايزين نبدأ اتصال بكتاب الله سبحانه وتعالى. الحقيقة يا جماعة يعني الواحد بيتشد - 00:05:38

دايما للآيات اللي بتتكلم عن سيدنا ابراهيم. وباحس انها ايات يعني زي كل ايات القرآن. ولكن الايات بتاعة سيدنا ابراهيم تحس انها بتديك شحنة ايمانية ومعاني ايمانية ممكن تغير حاجات كتير جدا في حياتك. ابدأ معي بقى قول الله سبحانه وتعالى - 00:05:58 اعوذ بالله السميع العليم من الشيطان الرجيم. ركزي معي كويس جدا. ركز مع كلام الله كويس جدا. ها يلا يا اخوانا هنشوف النهاردة هنطلع بايه من كتاب ربنا هنشوف النهاردة رزقنا ايه من كلام الملك سبحانه وتعالى. يلا يا شباب قال تعالى ولقد اتينا ابراهيم -

00:06:15

رشده من قبل ولقد اتينا ابراهيم رشدا. كان موجود على وجه الارض يا رب ملايين البشر ساعتها. اشمعنى قال ابراهيم يا رب اشمعنى ابراهيم اللي الكنز ده هو اللي ياخده؟ اشمعنى ابراهيم؟ انا عايز اقول ايه؟ انا عايز اقول اشمعنى انت؟ اشمعنى انت اللي ربنا يفتح عليك - 00:06:35

اشمعنى انت اللي ربنا يختارك؟ اشمعنى انت اللي ربنا يعاملك هذه المعاملة العظيمة؟ معاملة اتينا خدي بالك معي. ربنا بيقول ولقد اللام اللي قبل قات دي. حد يعرف اللام دي في اللغة اسمها لام ايه؟ حد يعرف اللام دي اسمها لام ايه؟ ولقد اللام دي لام ايه -

00:06:55

ايه؟ لأ. اللام دي لام ايه؟ القسم اللام دي لام القسم. يعني الله بيقسم. ربنا بيقسم انه لو اقبلت عليه. ربنا بيقسم ان دي معاملة ربنا

سبحانه وتعالى. ربنا بيقسم على عطاؤه. ربنا بيقسم انك لو - 00:07:15

صدقت معه هيصدقك وهيديك. ربنا بيقسم انه هيرفع اوليائه. انه هيؤتي اوليائه. انه هيرشدك. انه هيوجهك ربنا بيقسم عشان ما حدش يشك في طريق ربنا. عشان ما يحصلش لما هنقول في النص الثاني من الاية وكنا به عالمين. حسيتي بها دي حسيت -

00:07:35

بها لما اهلك حاربوك في البيت عشان التزامك ومش عارفة تعمل ايه. حسيت بها دي. لما جيت تلتزم وتنطلق في الدين. وحسيت ان المجتمع كله في وشك وحسيت ان والدك بيحاربك. او والدتك بتحاربك. او اصحابك بيحاربوك حسيت بها دي. حسيت بانك انت من كتر الازمة اللي حصلت لك - 00:07:55

وانت بتحاول تقبض على دينك. كالقابض على الجمر. حسيت انك انت فكرت. يا رب انت سبتني ولا ايه ؟ يا رب انت مش معي. يا رب انت مش متولي امري. يا رب مش انا عبدك. يا رب مش انا في طريقك. وكنا به عالمين. ان سيدنا ابراهيم هو في الازمة الرهيبة

دي - 00:08:15

وقف وش ابوه واقف في وش قومه. قومه عايزين يحرقوه. والناس عايزين يطردوه. وابوه بيقول له لارجمك ان في وسط الازمة الرهيبة دي والانسان قابض على دينه. والانسان بيقااتل عشان يصبر على مراد الله. ويلاقى الدنيا كلها واقفة في وشه. هيقول يا رب

انت سبتني يا رب. يا رب انت مش - 00:08:35

يا رب ربنا بيقول وكنا به عالمين. اوعى تحبط. اوعى تظن ان ربنا سابك. اوعى لما تلاقي طريق الدين فيه تعب. اوعى لما تلاقي طريق الدين فيه مجاهدة. اوعى تلاقي طريق الدين فيه رهق. اوعى تظن ان ربنا سابك. احد اخواني صاحب شركة من اكبر

الشركات - 00:08:55

يعني يعني شركة ضخمة جدا يعني رأس مالها مئات الملايين من الجنيهات. مئات الملايين مش مش عشرات الملايين مئات الملايين. بيقول لي لما راح اشتغل في الشركة كان صاحب الشركة والده ورئيس واللي مدير الشركة اخوه. اخوه نزله يعني مندوب مع العربيات

يلف - 00:09:15

على المحلات او يلف على اماكن التجارة اللي بيسوقوا فيها يلف وبيبيع ويسوق. فيقول لاخوه انت بتعمل معه كده ليه؟ ده انا صاحب الشرك هي دي زي زيك. قال له انا عايزك تفهم الشغل من الصفر. انا عايزك تفهم الشغل من تحت. صاحبي ده بيقول لي بيقول لي

فترة بسيطة اخوه فجأة وهو قاعد وقع - 00:09:35

عماد الله يرحمه مات ابوه بعدها فجأة مات بقى هو صاحب الكيان التجاري الضخم ده كله. بيقول انا لو ما كنتش نزلت من اول مهمة في الشركة ما كنتش عرفت ادير الشركة دي ككل. يعني عايز اقول لك ان اخوه ما كانش بيعزبه. ان اخوه ما كانش بيبهدله. ان -

00:09:55

ولو ما كانش سابه يجاهد ويتعب. كانت الدنيا كلها خربت لما لقي نفسه فجأة رئيس للكيان الكبير ده هو. انا عايز اقول لك انك لما تلاقي ربنا سبحانه وتعالى احيانا بيمتحنك. احيانا تلاقي الطريق صعب عليك. احيانا تلاقي فيه مجاهدة مطلوبة منك. يا ابني ربنا

بيربيك - 00:10:15

يا ابني ربنا بيقويك. ربنا سبحانه وتعالى بيمتن دينك. بيمتن ايمانك. اوعي تفتكري زي الاب اللي يقول لابنه انزل اشتغل واصرف على نفسك هو ما بيحبش ابنه قد الاب اللي بيدي لابنه خمسين جنيه كل يوم ويقول له متع نفسك. لا اللي بيقول له اصرف على نفسك

بيحبه اكثر من اللي بيقول له متع نفسك - 00:10:35

ولكن عايز ابنه يطلع راجل. اهي دي القضية. ربنا يريدك راجل. ربنا يريدك امة صالحة لله سبحانه وتعالى. وكنا به عالمين اوعى تزن ان ربنا سابك. اوعى تظن ان ربنا نساك. اوعى تظن ان ربنا تخلى عنك. اللحظ لحظة الامل يا جماعة. احساس الامل - 00:10:55

يا اخواني احساس انك ممكن تبقى الوقت جاي الدرس ده الليلة. وانت حاسس بازمة. حاسة بمشكلة. حاسس بفتور. الاسبوع اللي فات عبادتك ما كانتش كويسة فيه يا رب اعمل ايه ؟ يا رب انا عندي ضغوط وعندي مشاكل وكنا به عالمين. اوعى تظن ان

ربنا سابك في لحظة من اللحظات - [00:11:16](#)

طول ما انت ما سبتش ربنا ربنا ما سابكش وهي دي. ولقد اتينا ولقد ربنا بيقسم. ربنا بيقسم انه هيديك. ربنا انه هيرفعك. ربنا بيقسم انه هيمدك. ربنا بيقسم انه هيفتح عليك. ربنا بيقسم انه هينصرك. ربنا بيقسم انه - [00:11:36](#)

يأمرك بعباء وهيفمرك بحنانه. بس انت ادفع التمن. ولقد اتينا ابراهيم رشدنا. من قبل اشمعنى ابراهيم؟ اشمعنى انت اللي ربنا عليك. اشمعنى انت اللي ربنا يفتح عليك؟ تخيلوا يا اخواني لو كلنا قاعدين الوقتي وصلت لنا كلنا الوقتي رسالة من اكبر شيخ - [00:11:56](#)

له في قلوبنا كلنا توقير واجلال. تخيلوا احنا قاعدين كده وصلت لنا كلنا رسالة. مزد من الشيخ ده او رسالة فاضية من الشيخ ده. واحد مننا هيقول ايه؟ اه الشيخ فلان اه ده له درس في اخر الاسبوع. ان شاء الله باحضره واشوف كان عايز مني ايه. وواحد هيقول

اما ارن له كده يمكن لما يشوف المز بتاعتي - [00:12:16](#)

اتصل بي لو عايزني في حاجة مهمة. وواحد هيقول لي يعني الشيخ هيكون عايز ايه؟ بدل ما اتصلش يبقى ما هياش حاجة مهمة.

وواحد هيسيب الدنيا وهيسيب حياته وهيسافر - [00:12:36](#)

تروح للشيخ يقول له انت عايز مني ايه؟ ما دام بعث لي رسالة يبقى في حاجة مهمة وخطيرة انت عايزها مني. يا اخواننا هو ده

الفرق في التعامل بينا وبين بعض - [00:12:46](#)

في التعامل مع الرسائل الربانية لنا. كلنا بيوصل لنا رسائل ربانية. كلنا بيوصل لنا رسائل معاملة من ربنا سبحانه وتعالى انما فيه واحد بيعظم رسائل الربانية. وفيه واحد ما بيهتمش وفيه واحد ما بيترجمش. وفيه واحد بيتشغل عنها. اشمعنى انت اللي ربنا بيختارك -

[00:12:56](#)

انت معظم علاقتك بربنا معظم صلتك بربنا. تخيلي كده لو واحد عايش في صحراء مع قبيلة من القبائل. فواحد ورا له صورة لعرش مهول. قال له ايه ده؟ قال له ده عرش الملك فلان الفلاني. ده ملك بيحكم مملكة كبيرة قوي. في الدنيا معنا يعني. وبعد شوية لقي

قوافل - [00:13:16](#)

الاف الجمال واحمال مهولة معدية قال لهم ايه ده؟ قالوا له ده دي تجارة من تجارات الملك فلان الفلاني نفسه. اصله غني وعنده

تجارة شوية لقي ناس قاعدة. واحد بيقول ده انا رحل له اداني واداني. وواحد بيقول ده كريم كرم رهيب. واحد بيقول ده حكيم

حكمة رهيبه. تخيلوا - [00:13:36](#)

للك ده هيبقى ايه؟ واحد مرة قعد معه قال له انت عارف الملك فلان الفلاني اللي كل دول بيتكلموا عنه؟ قال له اه. قال له ده ده هيبقى ابوك ابويا انا تخيلوا شوقه انه يشوف الملك ده قد ايه. شوقه انه يوصل له قد ايه. شوقه انه يقطع كل المسافات اللي بينه وبين

الملك ده - [00:13:56](#)

قد ايه والله المثل الاعلى والله المثل الاعلى. تخيلوا يا اخواني ربنا اللي رفع السبع سماوات دي اللي خلق الشمس والقمر ده اللي خزائنه لا تنفذ. اللي ملايكة السماوات كلها بتسجد له وتعبده ليل نهار. الله ده مولاك - [00:14:16](#)

الله ده ربك انت تشناق له قد ايه. على قد ما انت هتشتاق لربنا. على قد ما انت هتتلف على الوصول لربنا. على قد ما انت هتتظم

صلتك بربنا سبحانه وتعالى على قد ما ربنا هيختارك. ولقد اتينا ابراهيم - [00:14:36](#)

رشده من قبل. الرشد ان ربنا يدريك خط سير في الحياة. الرشد انك ما تبقاش تايه. يا اخوانا قضية خطيرة اوي. انك انت تبقى تايه.

انا حزين والله يا جماعة. انا ماشي حزين. باقول يا ربي هو الملتزمين والملتزمات لما ييجوا في المسجد ويتشحنوا في درس من

الدروس. هو الشحن - [00:14:53](#)

ايه ده! او السخونية دي هتكفي انهم يخرجوا ويعيشوا الحياة ويواجهوا الحياة. ويتحركوا بالدين في الحياة. الناس دي عايزة تتربى. الناس دي عايزة افهم اكثر من كده. الناس دي عايزة تتربى اكثر من كده. الناس دي عايزة يتقعد

معها. وتتناقش وتتفاهم - [00:15:13](#)

عشان تقدر تخرج برة تواجه الدنيا اللي برة. تقدر تخرج برة تواجه الدنيا الرهيبة بمشاكلها وفتنها الرهيبة بالدين. اخواني في عايزين

نفهم القرآن عشان نقدر نعيش عشان نعرف انا لما بافتكر نفسي يا اخواني افتكّر نفسي ولحد دلوقتي افتكّر نفسي - [00:15:33](#)
لما زعلت مسلا آآ في من موضوع معين فقعدت محبط مسلا ايام ما كنت طالب شهر مسلا محبط مش قادر ان انا اعيد ربنا مش قادر
ان انا اجتهد في العبادة. اما بافتكر المواقف اللي زي ديت باخاف على الاخوة. باخاف على الملتزمين الجداد. هيواجهوا الدنيا ازاي؟
لازم حد يفهمهم - [00:15:53](#)

لازم حد يأهلهم. لازم حد يوجههم. سبحان الله العظيم! ولقد اتينا ابراهيم رشده خط سير. ان ربنا يدريك خط في الحياة. يقول لك
المرشد السباحي. يقول لك المرشد العام لجماعة مسلا ايه؟ الجماعة الفلانية. اللي بيدي خط سير للناس. ان ربنا اللي يدريك -
[00:16:13](#)

خط السير في حياتك. ان ربنا اللي بيقى اللي يرشدك في حياتك. وكنا به عالمين. اذ قال لابييه وقومه هذه التماثيل. ايه الجنان اللي
انتم قاعدين قدامه ده! ما هذه التماثيل التي انتم لها عاكفون؟ الطريقة اللي سيدنا ابراهيم بيتكلم بها - [00:16:33](#)
التماثيل يا جماعة تدل ان التماثيل دي خارجة من من قلبه تماما. تدل انه مش متأثر بها تماما. اخطر حاجة انك انت تحارب وهو مش
جواك. اهم حاجة انك انت تحاربي الباطل وهو مش جواك. احيانا انت تقف مع شاب تدعوه للالتزام. وتقعد تحط - [00:16:53](#)
على الالتزام وانت بتتمنى المعاصي اللي الشاب ده بيقع فيها. احيانا انت بتدعي فتاة انها تتوب لربنا والشهوات اللي البنات دي تعملها
انت تتمنيها ولكن اللي منعك الخوف من ربنا. اللي النموذج ده يا جماعة مش هنقدر ننتصر بهم. بازن الله سبحانه وتعالى - [00:17:13](#)
اللي هيجي النصر على ايديهم اللي بيحاربوا الباطل والباطل مش جواهم. عشان كده سيدنا ابراهيم في الآخر بيقول لهم في الاية آآ
سبعة وستين بيقول لهم اف لكم ولم تعبدون من دون الله. اف! اف دي يعني انت قاعد في اوضة مليانة. انت عارف مجاري متعفنة -
[00:17:33](#)

الزبالة متعفنة انت مش طايق مين فينا بيعدي قدام الجامعة يشوف التبرج اللي فيها يقول اوف مين فينا لما بيبقى قاعد انت
ويشوف مسلا حاجة مش كويسة جت عرضا يقول اوف مين فينا لما بيشف المتبرجات في الشارع بيقول اف لكم اف - [00:17:53](#)
دي يعني المعصية دي شيه لا يطاق. يعني كل شيه لا يرضي الله. شيه لا يطاق. اللي بالمنز ده اللي قلبه بالمنز ده هو اللي يقدر
يواجه الواقع يا اخواننا. انما مش اللي هيموت على الشهوات. ده لما بينزل يشغل في الدعوة بيرجع. يعني ممكن يوقف شاب يقول
له اتق الله وسب البنات - [00:18:13](#)

انت ماشي معها. الولد يتأسر به ويسيبها وهو يرجع البيت. الصورة اللي شافها مالية قلبه. ومالية خياله. بيقى مش هيقدر يواجه
الباطل غير ناس بتحارب الباطل وهو مش في قلبها - [00:18:33](#)
غير ناس بتحارب الباطل وهو مش جواها. قلت لكم قبل كده امتى امتى هتدعو المغني فلان الفلاني ويلتزم على ايديك لما بيقى انت
حبك للقعدة اللي انت قاعدها دي اكر من حبه للحفلة اللي هو بيديها. والشباب يطلعوا يرقصوا على الاستاند اللي هو بيغني عليه
حواليه. لما - [00:18:47](#)

هيبقى يقينك في الدرس اللي انت قاعد فيه ده اكر من يقينه في الحفلة اللي هو بيديها. لما بيقى انت تمسكك باللي انت فيه اكر
من تمسكه باللي هو فيه. لما بيقى فرحك واقتناعك باللي انت عليه. اكر من فرحه واقتناعه باللي هو عليه. ساعتها انت هتكسره. يا -
[00:19:07](#)

اخوانا احنا مش عايزين شباب يسبب المعصية. احنا عايزين شباب يكره المعصية. احنا مش عايزين نسيب معصية الله. احنا عايزين
نكرها. احنا عايزين نمقتها. احنا عايزين لو المعصية جات لنا وانتقال لنا انها بلا زنوب لمجرد انها - [00:19:27](#)
لا ترضي الله سبحانه وتعالى نفوسنا تعافى. عايزين نعيش احساس اف لكم. احساس اوف ده. احساس ان ده شيه لا يطاق ولا محتمل
مين اللي فطرته هتفتح بالمنز ده؟ قربنا بيقول لك اذ قال لابييه نص اللي قاعدين دول عندهم مشاكل في دينهم - [00:19:47](#)
بسبب اذ قال لابييه. نص البنات اللي تحت عندهم مشاكل في حياتهم بسبب ابيه. بسبب الاب بسبب الام بسبب الاسرة بسبب حرب
الاسرة بتاعتك على دينك. بسبب حرب اصحابك على دينك. يا اخواننا سيدنا ابراهيم كان عنده مشاكل في التزامه - [00:20:07](#)

سيدنا ابراهيم ما التزمش ها وانطلق لقي الطريق مسفلت قدامه. لقي ابوه بيقول له لارجمنك ولقي قومه بيقولوا له لنحرقنك. ولقي الدنيا كل هؤلاء النمروذ بيقول له لاحرقنك لقي الدنيا كلها واقفة في وشه. ما فيش دين من غير مشاكل يا جماعة. انما لما الاخ ده - [00:20:27](#)

التزامه واقف بسبب حرب والده عليه في التزامه. والاخت دي التزامها واقف بسبب مشاكلها مع زوجها. او خطيبها او والاخ ده دينه واقف بسبب مشاكله التجارية. والاخ ده دينه واقف بسبب تريقة اصحابه عليه من ساعة ما دخل الالتزام. والاخ ده عنده مشاكل - [00:20:47](#)

اكل بسبب زروفه الاجتماعية او المادية او يا اخوانا يا اخوانا كده كده الطريق مليان صخور اما ان الصخور دي تتعثر فيها واما ان الصخور دي تبقى سالام تطلع عليها. حول الصخور لسالام. ما فيش طريق من غير مشاكل - [00:21:07](#)
ما فيش طريق في الالتزام من غير مشاكل. انتم عارفين لما شاب يحب يقوي العضلة بتاعته يعمل ايه؟ يقوم يجيب حديد ويقعد يعمل ايه؟ يحرك العضلة كده في الحديد تقوم العضلة تشتغل ضد مقاومة. تقوم العضلة تكبر. اهو ده لطف ربنا بنا لما بيحصل لنا مشاكل في التزامنا او معوقات - [00:21:27](#)

بتلاقيها في حياتك ضد التزامك ليه؟ ان انت بتبقى شغال ضد مقاومة في عضلاتك الايمانية تقوى. يا اخوانا لما الدعوة بتتمنع لما فيبتوقف في طريق الدعوة او عاوتفتكروا ان الدعوة بتقف. ده بتبقى عاملة زي الكتكوت جوة البيض. الناس بتبص للبيضة تلاقيها زي ما هي. ثاني يوم البيضة زي ما هي - [00:21:47](#)

تالت يوم زي ما هي بعد عشر تيام زي ما هي. انما جوة البيضة دي فيه حاجة بتتكون. فيه جنين بيتكون. فيه كائن كل يوم بيتكون عن اليوم اللي قبله فيبقى المنزر من برة ان انت واقف ان انت مشلول ان انت فيه مشاكل موقفك انما طول ما انت - [00:22:07](#)
وثابت على عبادتك وعلى التزامك. انت من جوة ايمانك قاعد يتخلق. انت من جوة بتكبر. يا اخواني في الله. عارفين النيل لما بيجري المية فيه بتجري لما يقوم المجري بتاعه الضيق في مكان من الاماكن آآ النيل ما بيقفش بالعكس ده انت تشوف الماية في المجري الضيقة - [00:22:27](#)

تلاقي سرعة الماية زادت اكثر. اهو ده اللي بيحصل للملتزم لما بيحصل له مشاكل. لما بيضيق عليه. لما اسرته تضيق عليه لما المجتمع يضيق عليه. لما اهل الباطل يضيقوا عليه سرعتته في الدين بتزيد. انطلاقه في الدين بيزيد. يا اخواني في الله - [00:22:47](#)
عايز اقول لكم ان ما فيش واحد ما عندوش مشاكل. لما كل واحد مننا مشكلته تشل له حياته وتشل له دينه. ما حدش هيوصل ربنا عشان كده ان قال لابي ازاى انك تحول الصخرة لسلمة تطلع عليها؟ ما تحولش الصخرة لجدار يقف في طريق تقدمه - [00:23:07](#)
في الدين واجه مشاكلك. خليك عاقل يا ابني. لعل ان ربنا اذن سبحانه وتعالى يبقى لنا في الاعتكاف ان شاء الله يعني ان جات فرصة يعني ان شاء الله بازن - [00:23:27](#)

يبقى فيه سلسلة اللي هي كيف واخواتها. اللي هي كيف اتعامل مع مشاكل الالتزام بتاعتي؟ ازاى اواجه مشاكل ديني؟ ازاى اواجه المعوقات اللي ولكن اوعى اوعى مشاكلك توقفك. ان قال لابي وقومه ربنا ما قالش ان قالوا لابراهيم - [00:23:37](#)
فقال ده ربنا قال الاول قال يعني اللي بنى ابراهيم معركة الحق والباطل اللي ببداها هو الحق. اللي بياخذ زمام المبادرة فيها هو الحق. انما احنا الوقتي عايشين رد فعل يا جماعة. الحقوا دا مش عارف اتريقوا على المنقبات في ايه - [00:23:57](#)
عايزين نرد الحقوا ده برة شتمه النبي وعملوا ايه؟ عايزين نرد. احنا حياتنا كلها ردود افعال. انما لو احنا ملتزمين بجد احنا فهنبقى افعال والباطل هو اللي هيبقى ردود افعال. عشان كده انت لو بصيت لاية اثنين وخمسين هتلاقي اولها قال اية ثلاثة وخمسين قالوا - [00:24:15](#)

اية اربعة وخمسين قال اية خمسة وخمسين قالوا اية ستة وخمسين قال اية تسعة وخمسين قالوا اية ستين قالوا هو ايه ده يا جماعة؟ قال قالوا انا عايزك تتخيل ان الحوار اللي هندخل فيه الوقت ده يا جماعة مش بين فريق وفريق. مش - [00:24:35](#)
بين مجموعة ومجموعة ده فرض واقف قدام بلد كاملة من اول الحاكم بتاعها الاصنام اللي ابراهيم هيحطمها دلوقتي يا جماعة مصر

في بيت ابراهيم. ابوه اللي عاملها. الاصنام اللي ابراهيم هيحطها دلوقتي اللي عاملها بايديه ابو ابراهيم. ازر - [00:24:55](#)
الاصنام اللي ابراهيم هيحطها دلوقتي هي الاصنام اللي خرجت من البيت اللي ابراهيم خرج منه. البيت اللي خرج منه الاوثان هو
اللي خرج منه اللي الاوثان وده لطف ربنا سبحانه وتعالى. اهل الباطل بيملكوا بالدين الوقتي. اهل الباطل بيملكوا بالدعوة الوقتي.
انما عمرهم ما يتخيلوا - [00:25:15](#)

الدين هيخرج النصر بتاعه منين ؟ ممكن يقفلوا المساجد ويفاجئوا ان الدين خرج من مكان ثاني خالص. ممكن يقفل قنوات الدعوة
يفاجئوا ان الدعوة انتصرت من طريق ثاني خالص. وهو ده اللي ربنا بيزل به الجبابة. كل ما يحاولوا يقفلوا طريق الدعوة. او
يحاولوا - [00:25:35](#)

كله يقفوا في وش الدعوة. البيت اللي خرج منه الاوثان هو اللي خرج منه محطم الاوثان. هو اللي خرج منه ابراهيم. هو اللي يبقى
مين اللي هيقدر يحارب ربنا؟ هيجاربه ازاى؟ هيجاربوا ربنا ازاى؟ وربنا بيحاربهم بهم. هم - [00:25:55](#)
مكرهم نفسه. تخطيطهم نفسه. اسلحتهم نفسها. جنود من جنود ربنا اللي بيحطمهم بها. اللي بيدمرهم بها سبحانه الله العظيم اذ قال
لابيه يبقى اوعى تنسى ان ده واحد واقف قدام بلد. اوعى تنسى ان الحوار اللي احنا داخلين فيه ده بطل واقف - [00:26:15](#)
قدام قومي باجمعهم بقوتهم بهيلامانهم بعددهم. اوعى تنسى القوة اللي سيدنا ابراهيم فيها. عشان كده يا اخواني في الله اهم حاجة
انك انت تحارب الباطل وانت ما انتاش خايف منه - [00:26:37](#)

اخطر حاجة انك انت تحارب الباطل وانت ما انتاش خايف منه. عشان كده شف كده معي في اية تمانية وخمسين ربنا بيقول فجعلهم
جزاذا الا كبيراً لهم حاجة مهولة. لعلهم اليه يرجعون. قالوا - [00:26:52](#)

من فعل هذا بالهتنا يخرب بيتكم الهتنا شايفينها متحطمة قدامهم الغبي هيفضل غبي. من فعل هذا بالهتنا انه لمن الظالمين. قالوا
سمعنا فتى يذكرهم يقال له ابراهيم قالوا فاتوا به على اعين الناس لعلهم يشهدون. قالوا - [00:27:11](#)
انت فعلت هذا بالهتنا يا ابراهيم هو ايه قالوا قالوا سيدنا ابراهيم يا اخوانا قلب الدنيا الدنيا اتقلبت بسبب حاجة عملها ابراهيم.
سيدنا ابراهيم فجر قنبلة قلبت المجتمع كله. طب ما انتاش خايف يا ابراهيم؟ لأ - [00:27:35](#)

مش خايف في الاخر قال بل فعله كبيرهم هذا. يعني شف الدنيا مقلوبة قالوا قالوا واتوا به على اعين الناس. وعاييزين نعمل حشد
شعبي واحشدوا المناطق الشعبية. وهاتوا تفويض من الشعب ان احنا نعمل في ابراهيم ما نشاء. وي وي. سيدنا ابراهيم قال بل -
[00:27:55](#)

فعله كبيرهم هذا. ايه ده! يا اخوانا اخطر حاجة انك تحارب الباطل والباطل ما هواش في قلبك. اخطر حاجة انك تحارب الباطل
وانت مش خايف منه. النموذج اللي الباطل ما يقدرش يتعامل معه. اللي بيحارب الباطل وهو مش خايف منه. عشان كده من اول
سورة في القرآن ربنا - [00:28:15](#)

بيقول كلا لا تطعه واسجد. سيدنا محمد ممنوع من السجود في الكعبة. ربنا بيقول له كلا لا تطاع واسجد. تعال اسجد وما تخافش
واقترب بعض المفسرين قال لك اقترب هنا اي اقترب يا ابا جهل. اقترب يا من تهدد محمد. طب قرب كده وشف هيجصل فيك ايه.
طب - [00:28:35](#)

قرب كده وشف ربنا هيعمل لك ايه. ايه ده! ايه المعاني دي يا اخوانا! معنى ان ربنا بيربي الامة ديت على انها تواجه الباطل وهي مش
خايفة منه من الكلمات الخطيرة اللي بيوصف فيها سيدنا خالد ابن الوليد ان الروم كانوا في عينه ادق من النملة. ان الروم كانوا في -
[00:28:55](#)

عاملين زي الحشرة انه كان بيحارب امريكا ومش خايف منها. انه كان بيحارب الباطل وهو مش خايف منه. المشكلة دلوقتي ان
الملتزم جواه الخوف من الباطل جواه تعظيم الباطل. انا مش عايز اقول لك جواه حب الباطل. جواه حب المعصية. جواه حب
الشهوة. انما سيدنا ابراهيم يعني شف ربنا سبحانه وتعالى بيقول - [00:29:15](#)

اية يعني اية غريبة جدا. بيقول لك فاقبلوا اليه ايه يزفون يزفون ديت في صحيح مسلم لما النبي عليه الصلاة والسلام دخل على ام

الثائب رضي الله عنها وهي بتتنفض من الحمى. فقال لها - [00:29:35](#)

مالك مالك تزعزعين يا ام السائب ما لك؟ تتنفضي كده ليه؟ بترتجفي كده ليه؟ بترتعي كده ليه؟ اقبل الي يزفون تخيل الف واحد داخلين عليك. بيتنفضوا من الغضب. بيرتجفوا من الغضب. فاقبلوا اليه يزفون. وهم فاكرين سيدنا ابراهيم اول - [00:29:50](#)

بشوفهم هيقوم طالع يجري مسلا ولا يقع من طول له ولا يقوم دايس ايديهم ويقول لهم ابوس ايديكم سيبوني ولا يخاف ولا يعمل ايده كده اقبلوا اليه واذا بالبطل ينتفض. قال اتعبدون ما تحتون؟ والله خلقكم وما تعملون. سيدنا ابراهيم كسرهم - [00:30:10](#)

سيدنا ابراهيم كسر الصلابة اللي جواهم ليه؟ لانه بيواجه الباطل وما هوش خايف من الباطل. دي اخطر ميزة يا اخواننا اللي هينتصر على الباطل اللي بيواجهه وهو مش خايف منه. اللي بيواجهه وهو محتقر له. اللي بيواجهه. انتم عارفين يا اخوانا الموضوع عامل زي ايه بالزبط. تخيلوا كده - [00:30:30](#)

امبراطور مسلا بيحكم مسلا تخيل ان الدول العربية دي كده امبراطورية كبيرة مسلا. او العالم امبراطورية. فالامبراطور بيحكم مسلا قارة اوربا او افريقيا واسيا مسلا. فالامبراطورية ديت تبعتها دولة اسمها مصر. الدولة دي تبعتها محافظة اسمها الدقهلية -

[00:30:50](#)

المحافظة دي اللي كل ده تحت سلطة الامبراطور وفي مملكة الامبراطور. المحافظة دي تبعتها مدينة اسمها المنصورة. المدينة دي تبعتها قرية اسمها اي اسم. القرية دي تبعتها عزبة. خمستاشر بيت صغيرين. العزبة دي تمحى نجع متين كده صغنيين - [00:31:10](#)

ها جنب بعض كده. النجع ده الامبراطور عين عمدة للنجع ده فقام العمدة بتاع النجع ده لم الناس بتوع النجع وقال لهم ايه؟ انا ربكم الاعلى. فتخيل كده الامبراطور لما بيعت قوة - [00:31:30](#)

من عنده او واحد من عنده يقول رح قدم اللي هناك ده. اللي رايح من طرف الامبراطور للعمدة بتاع النجع ده يبقى خايف منه مش ممكن يبقى خايف منه خايف منه ازاي؟ اللي عارف قدر الله وقدر اهل الباطل مش هيخاف من الباطل وهو بيواجهه يا اخواننا.

هيفهم يعني - [00:31:49](#)

من كلا لا تطعه واسجد واقترب. اللي عارف عشان كده لما حصلت اللازمة بتاعة عام الحزن واذى المشركين اشتد ربنا عمل ايه؟ ربنا رفع النبي سبع سماوات فوق سدره بل حتى حجاب النور ليه؟ بص بقى على الباطل من فوق بقى. بص على على على الباطل

اللي قاعد يعذب المؤمنين ده من فوق بقى واياه - [00:32:08](#)

وشف كده الباطل ده حجه ايه. فالنبي عليه الصلاة والسلام ينزل ومطمئن القلب. عشان كده يا اخواني في الله زي ما باقول لكم ان اهم حاجة انك تحارب الباطل انت ما انتاش خايف منه. هم دول الرجالة بقى. هم دول اللي ربنا بينصر بهم الدين. طب ما انتاش خايف

منه ازاي؟ شجاعة مش شجاعة. انك انت عارف قدر - [00:32:29](#)

فاه وعارف قدر المخلوق. صراير واقفة في ميناء وقاعدين يقولوا احنا نحرك السفن. احنا هنغير مجرى السفن العملاقة ابدأ انت صرصار. يا عم انت حطة حشرة وما تجيش حشرة في الكون اصلا. يا عم ده انت تعيينك او مسكك للملك بتاعك او زوالك -

[00:32:49](#)

عنه زي صرصار واحد داس عليه في امريكا الجنوبية وهو ماشي في شارع من الشوارع. يا عم ده انت لا شيء اصلا. عشان كده سيدنا ابراهيم اما دخل على ابوه في سورة مريم قال له كلمة غريبة جدا. قال له يا ابتي لم تعبد ايه؟ ها ما لا يسمع - [00:33:09](#)

ولا يبصر ولا يغني عنك شيئا. انت بتعبد وهم انت خايف من وهم انت بتحب وهم انت عايش حياتك كلها بتدور حوالين دخان ولا ينفع انه يبقى دخان حتى. انت حياتك كلها حوالين وهم من الاوهام. لا - [00:33:29](#)

لا يسمع ولا يبصر ولا يغني عنك شيئا لا شيء. لا شيء في مسيرة الحياة. انت بتعبد ايه؟ انت سايب ربنا عشان ايه؟ سيدنا ابراهيم يا اخوانا كان امام امام في ان قلبه ده يبقى بتاع ربنا بس. عشان كده ربنا بيقول لك اذ جاء ربه بقلب ايه - [00:33:53](#)

سليم ما فيش فيه غير ربنا عارف لما اقول لك الترابيزة دي سليمة يعني ايه؟ لا اتخدشت ولا رجلي اتكسرت ولا درج اتكسر ولا توكب ولا البتاعة دي اسمها ايه ديت البتاعة اللي - [00:34:13](#)

بتسحب الدرج لبره وتدخله لجوة ده ولا واحدة وقعت سليم. از جاء ربه بقلب سليم. نرجع تاني از قال لابييه وقومه ده واقف في وش الدنيا كلها. ده ما عندوش خطوط حمرا - [00:34:23](#)

ما فيش خطوط حمرا عند سيدنا ابراهيم يا اخوانا ما هذه التماثيل؟ التي انتم لها عاكفون. لأ ده الكلام بقى كلمة عاكفون دي لازم لها وقفة عاكفون يعني ايه يا اخوانا؟ ده اعتكاف يا جماعة. اعتكاف ده كان ملتزم بيعرف يعتكف في العشر الاواخر من رمضان. كم واحد بيعرف - [00:34:38](#)

يعتكف اصلا وتلاقي الاخ يقول لك ده موسم يا عم ما اقدرش ان انا اعتكف الوقتي. انا ابقى اجي لكم اصلي معكم التهجّد كل ليلة وخلص. انما ما اقدرش اسيب الموسم - [00:35:02](#)

ما اقدرش ما اقدرش ما اقدرش الاعتكاف ده يا جماعة. يا اخوانا انا نفسي اخ يبقى عنده همة المغني الفلاني اللي بيقول لك انا بشتغل خمستاشر ساعة في اليوم انا نفسي اخ يبقى عنده الهمة دي. يا جماعة اهل الباطل عندهم علو همة يحزن القلب. احنا على طول بنتكلم - [00:35:12](#)

علو همة سيدنا نوح وهذا حق. تسعمية وخمسين سنة في الدعوة الى الله. وناسيين علو وهمة قوم نوح تسعمية وخمسين سنة في حرب الدعوة الى الله. يعني مين فينا اهل الباطل وصلوا من علو - [00:35:34](#)

ان تسعمية وخمسين سنة قاعدين يحاربوا في دين ربنا. يعني مبهورين بعلو امة سيدنا نوح وهذا حق. ربي اني دعوت قومي ليلا ونهارا انه كان شغال في الدعوة ليل نهار. وناسيين علو همة قوم نوح اللي كانوا بيصدوا عن سبيل الله ليلا ونهارا. بيصدوا عن سبيل الله - [00:35:56](#)

ليل ونهار. اهل الباطل عندهم همة. يعني كنت عايز اعمل آآ آآ بحس صغير كده في عبادات اهل الدنيا للدنيا. يعني انا لما اقول لك مسلا قم الليل كم واحد فينا بيقوم الليل؟ طب تعال شف بقى اهل الدنيا بيقوموا الليل عشان الدنيا ازاي - [00:36:16](#)

تعال شف الطالب اللي بيطبق طول الليل عشان يذاكر ازاي؟ تعال شف اهل الدنيا بيطبّقوا ازاي؟ طول ما هم تعال شف التطبيق بتاع اللي دول الدنيا وقبل ايه؟ اهل الدنيا بيعتكفوا هذه التماثيل التي انتم لها عاكفون. اهل الدنيا بيعتكفوا عشان الدنيا. اهل الدنيا بينفقوا عشان الدنيا - [00:36:33](#)

اهل الدنيا بيضحوا عشان الدنيا كل العبادات التي بتتطلب منك هنا اهل الدنيا بيعملوها بس عشان الدنيا ما بيعتبروش ان دي بطولات ولا حاجة عبادة الهجرة الهجرة كم واحد في تاريخ البشرية يا اخواني هاجر عشان ربنا. حد يقدر يحسبها لي كده - [00:36:53](#)

سيدنا ابراهيم اهو في القصة اللي احنا بنقولها دي اول من هاجر في سبيل الله في الكرة الارضية كلها. اول واحد هاجر في سبيل الله في الارض كان ابراهيم. وخد معه لوط - [00:37:12](#)

بعد كده مين اللي هاجر؟ سيدنا محمد كان معه كم واحد هاجره؟ كان معه ميت صحابي كان معه ميتين صحابي بزوجاتهم وولادهم كانوا تلتमित صحابي بكل متعلقاتهم وزوجاتهم واولادهم يا اخوانا - [00:37:22](#)

عدد اللي هجروا لكندا من الامة العربية خمس تلاف ضعف. اللي هاجروا عشان الدين طول تاريخ البشرية عدد اللي هاجروا لامريكا بعد ما خدوا اللوتاري ولا هاجروا في اي دولة عشان الفلوس خمس تلاف مليون ضعف اللي هاجروا - [00:37:39](#)

عشان ربنا في الدنيا احنا بنبص للي هاجر عشان الدين او اللي يرحل في طلب العلم ده سافر الهند اصل فيه علماء في السنة اقوياء هناك بيقول لك ايه ده مجنون ده ولا ايه! كم واحد يوميا بيسافر عقد عمل عشان الدنيا! ويروح ينام على البلاط! ويروح - [00:38:00](#)

ويروح يتمسح به الارض ولا يعرف ياخذ مراته. ولا يعرف ياخذ ولاده. ومراته تفضل ست سبع سنين. مش قادرة تشوف جوزها غير كل سنتين مرة ومراته مستحمة وولاده مستحلمين. وهو صابر وقابض على الجمر وصابر وكل الناس تقول الله يعينه - [00:38:22](#)

على رزقه في حين ان لو واحد عمل كده شهر عشان الدين. الدنيا كلها تفضح. عملت ايه؟ ازاي؟ هو ده الدين هو مين اللي قال لك كده؟ تعالوا شوفوا يا اخوانا اهل الدنيا عملوا ايه عشان الدنيا؟ والله العظيم صلوا لها وصاموا لها - [00:38:45](#)

ولا حد قال حاجة. انما عشان دين ربنا هو ده الدين! هو الدين ان احنا نضحى وان احنا نقدم وان احنا نجاهد يا ابني الدين مش كده.

ساعة وساعة يا عم الشيخ. خلاص يا عم خليك فاهمها كده. انت حر. انما الدين اللي بنتعلمه من القرآن مش كده. اذ قال لابييه -

[00:39:05](#)

قومه ما هذه التماثيل التي انتم لها عاكفون؟ قالوا وجدنا اباءنا لها عابدين. خد بالك بقى اللي بيقول لها امها هذه التماثيل التي انتم

لها عاكفون ما قالوا لوش وجدنا اباءنا لها عاكفين. قالوا له وجدنا ابانا لها ايه؟ عابدين. الاعلى - [00:39:25](#)

هذا ولا الاعتكاف على العبادة الاعلى الاعتكاف. يبقى اذا الجيل الاولاني كان بيعبد. الجيل الثاني اعتكف. الجيل الثاني طور العبادة

يعني عايز اقول لك ايه عايز اقول لك ان المعصية عمرها ما هتقف عند حد ابد - [00:39:46](#)

اوعى تفتكر ان المعصية هتقف عند حد. شفتم انتم قلوبكم بتتقطع ازاي؟ سواء اخوة او اخوات. لما بتخرجوا برة المسجد وتشوفوا

التبرج وتشوفوا العري والسفور وترجعوا تقولوا ياه! احنا حزاننا انتم فاكرين ان الموضوع هيقف على قد كده! ده انتم لو سكتوا

وبطلتم - [00:40:05](#)

دعوة بكرة تشوفوا الزنا في الشوارع بكرة تشوفوا الزنا في الشوارع. بكرة تشوفوا اللي لم تكونوا تتخلوه. المعصية لا تتوقف عند

حد. الفجور لا يتوقف عند حد ربنا بيقول ثم رددناه ايه - [00:40:25](#)

اسفل سافلين. هو الفجور ده الفجور بيفضل لحد ما الانسان يبقى اوطى من الحيوان. ابشع من الحيوانات والعياذ بالله فاذا يا اخواني

في الله المعصية لن تتوقف. اللي بيوقف المعصية ان اهل الحق ينزلوا. ان اهل الحق يشتغلوا في الدعوة بس - [00:40:41](#)

انما لما قال الحق ببسكتوا المعصية مش هتسكت. بكرة المعصية تدخل لك بيتك غصب عن عينك. لو قفلت التليفزيون وكسرتة

وعملت الصندوق بتاعه آآ عشة فراخ وقفلت انت وكسرتة وقفلت الشبابيك وكسرتها. الفساد هيدخل لك من تحت عقب الباب -

[00:41:01](#)

لو انت ما وجهتوش. لو انت ما دعتش الى الله وحاربته. قالوا وجدنا ابانا يعني ايه وجدنا ابانا يا جماعة الناس دي مش بتلعب يا

اخوانا. الناس دي عندها خط سير يا جماعة. الناس دي بتورس بعض جيل ورا جيل. نفس الكلام اللي فرعون قالوا لموسى في سورة -

[00:41:21](#)

هو الكلام اللي ابو لهب قاله للنبي من الف وربعمية سنة هو الكلام اللي بيتقال لنا الوقتي في الاعلام في برمجة التوك شو تشابهت

قلوبهم هو نفس الكلام. اهل الباطل عندهم خط سير يا جماعة. اهل الباطل لهم خط سير. انت ما لكش خط سير ليه؟ انت ما لكيش

خط سير - [00:41:40](#)

في الدين ليه؟ انت ما لكش خطوات واضحة عارف مراد ربنا منك ليه؟ انا مستعد اوقف الوقت ناس واسألهم سؤال مباشر. قل لي

مراد ربنا منك ايه واحد هيقول لي ان انا احب ربنا يا ابني انا مش باقول لك مشاعر الوقتي. انا باقول لك كلام عملي. قل لي الوقتي

انت لما هتخرج من الجامع الاسبوع - [00:42:00](#)

ده انت اعتقادك ان ربنا يرضى عنك لو عملت ايه او ما يرضاش عنك لو سبت ايه. قل لي يا ابني خط سير يا ابني. قل لي كلام عملي

قل لي روشتات عملية احنا لما بنسخن الناس في الدعوة ثم نترك الناس بدون توجيه وخط سير نحن نجرم في حق الناس -

[00:42:22](#)

نحن ننشى مرضى نفسيين مش ننشى ملتزمين اوعى حد يضحك عليك. يقعد يسخنك. وفي الاخر ما يقولكش تعمل ايه يعني اما

بنحاول نكافح هنا ان احنا نعمل ورش. واقول لك الصحة ايه؟ ان احنا نعمل تحفيز واقول لك الطريق اهو. ان احنا نعمل خطوات -

[00:42:42](#)

خط سير ان احنا نتكلم عن الصيام عن القيام. ان احنا نتكلم عن الحياة الاجتماعية بينا وبين بعض. احنا يا جماعة بنحول الكلام بتاع

الشحن ده في كلام عملي انا في الاخر هخرج اعمل ايه؟ انا في الاخر المقامات اللي انت قاعد تكلمني عنها دي. ان ان اواجه الباطل

وهو ليس في قلبي واني - [00:43:03](#)

العصاة والمعصية ليست في قلبي. وان انا آآ ربنا يبقى اغلى حاجة عندي في الحياة. يا عم انا مش كده. انا مش كده وانا عارف ان انا

مش كده وانا عارف ان انت مش كده. الله! اومال الكلام ده بييجي ازاي ؟ الكلام ده بييجي مش لما تقعد تحرق قلبك بالكلام ده.

00:43:23 بييجي لما تنفذ التوصيات -

اللي احنا بنتكلم عنها. لما تنفذ خط السير. لما تواصل في الصيام بتاعك. لما تواصل في القيام بتاعك. هو ده اللي احنا هنقوله دلوقتي بقى يا جماعة. شوفوا بقى بيقول ايه؟ اذ قال لابييه وقومه ما هذه التماثيل التي انتم لها عاكفون؟ قالوا وجدنا اباءنا لها عابدين. قال

00:43:43 لقد كنتم -

انتم واباؤكم في ضلال مبين. يا سيدي يا سيدي. يا سيدي لما طلعا في برامج التوك شو بعد خمسة وعشرين يناير وشف

00:44:03 التميع بقى اللي على اصوله وشف بقى ابراهيم بيقول لهم انتم -

واباؤكم في ديت يعني مغمورين ضلال وكمان مبين. يعني اللي مش شايف انكم ضلالية يبقى اعمى ما ببشوفش. ضلال مبين زي الشمس في وسط السما. قال لقد كنتم لا واللام هنا لام القسم. ابراهيم بيقسم بالله انهم - 00:44:20

شوية ضلالية. انتم واباؤكم واباؤكم هنا مش شرط معناه ابوه. يعني مش محمد احمد يبقى قصده احمد؟ لاه ابائكم دي لما يقول لك

مسلا آ فلان وفلان وفلان دول اباء الليبرالية. فلان وفلان وفلان دول اباء العلمانية. فلان وفلان وفلان دول اداب - 00:44:40

الفكر الاحادي. فلان وفلان وفلان. دول اباء الفكر الربوبي. فلان وفلان وفلان. دول اباء الفكر الماركسي. يبقى الاباء دول في ابوة

روحية. فسيدنا ابراهيم ما عندوش خطوط حمرا يا اخوانا وهو بيحارب الباطل. قال لقد كنتم انتم ايه؟ واباؤكم في ضلال مبين -

00:44:59

القضية ان ما فيش خطوط حمرا بيخاف منها. مش والله لأ اصل الناس دي ماتت وبلاش نتكلم عن ناس ما تم وخلص بقى افوضوا الى

ما وهم الوقتي بين ايدين ربنا في ضلال مبين. انتم انتم واباؤكم. انتم واللي انتم بتفتخروا بهم من خمس تلاف - 00:45:19

سنة كل ده ضلال. ازاي ؟ هو كده. الحق حق. القوة يا اخوانا. القوة. قال لقد كنتم انتم واباؤكم في ضلال مبين في ضلال مبين ديت ان

00:45:39 سيدنا ابراهيم شايف الباطل باطل يا اخوانا -

يعني هنرجع تاني لنفس القضية انت يا ابني شايف المعصية معصية لما اخ بييجي يقول لي ايه يقول لي انا مش قادر استحمل

00:45:53 المعاصي اللي بتحصل في النادي الفلاني او في ساحة الجامعة اقول له يا ابني انت مجرم -

يقول لي انا مجرم ليه ؟ اقول له يا حبيبي لان ده مش معصية. يقول لي امال ايه ؟ اقول له ده فجور يعني لما بييجي قاضي واحد

مسلا طلع على واحد ومراته دبح الراجل وعملوا لانشون وكفتة وقام مغتصب مراته وبعد كده ضربها في الخياط - 00:46:08

وبعد كده عملها كياس كفتة وباعها. فيقوم الراجل ده يتقبض عليه. يقوم القاضي يقول هذا المجرم حكمت عليه بست شهور سجن.

يبقى مين المجرم القاضي القاضي هو اللي مجرم. بقى اللي عمل ده ياخذ ست شهور يا مجرم! اهو بالزبط كده. هو انت عايز تقول لي

00:46:26 ان اللي بيحصل الوقت ده اسمه معصية ده -

والعياذ بالله. هو ده الفجور والعياذ بالله. يبقى انك انت في ضلال مبين. انك انت تشوف الحاجة على حقيقتها انك تشوف المعصية

على حجمها الحقيقي. انما مش تتهاون مع اللي بيحصل. مش يبقى كل قضيتك ازاي ان انا ما افتنش بالمعصية؟ طب وبعدين -

00:46:47

ومين اللي هيغير قالوا اجئتنا بالحق ام انت من اللاعبين؟ اتكسروا بقى. ما هو هو داخل عليهم دخلة دخلة اسد ما شاء الله اتكسر

قدامه. اهل الباطل عمرهم ما قالوا الكلام ده. ده الشخصيات اللي سيدنا زي سيدنا ابراهيم بس اللي اهل الباطل بيتكسروا قدامها.

00:47:07 يعني ساعات تلاقي آآ شاب التزم -

وينزل لاصحابه يقعدوا يمسكوه بقى اشتغالات. وانت عامل ايه؟ وانت ضحكوا عليك وانت وساعات تلاقي واد ملتزم جديد يمسك

يشوشهم يمسكهم عارفين الكونغوفوه اللي هو بييجي يضربك الضربة تقوم جايبها على ساعد ايدك وتقوم قلبه - 00:47:30

قوة الضربة اللي هو بيضربها تستخدمها ان هو يتقلب بها وساعات واد دارس كونغوفو ايماني حلو اوي. ييجوا يضربوه يقوم قالب

الترابيزة عليهم ويكلهم في الدين يلفهم كلهم حوالين نفسهم ويخليهم يقولوا له يعني يعني سبحان الله يتمنوا ان كل واحد منهم

يقعد معه لوحده عشان - 00:47:50

مشكلته ليه؟ حسوا ان ده ملتزم بجد. ففيه ملتزم هش ضعيف. بينزل بيتهاجم وفيه ملتزم قوي. راجل بينزل بيغير سيدنا ابراهيم كسرهم قالوا اجنتنا بالحق ام انت من اللاعبين؟ قال بل ربكم رب السماوات والارض الذي فطر - 00:48:10

وانا على ذلكم من الشاهدين. الله اكبر. وانا على ذلكم من الايه؟ من الشاهدين جاب الشهادة دي منين؟ يا ابراهيم عليه السلام هو انت شفت ربنا وبخلق السما هو انت شفت الارض وهي بتتخلق! هو انت شفت الملائكة وما بتتخلقش! هو انت شفت الانسان وهو -

00:48:30

من الشاهدين فين؟ جبت من الشاهدين دي منين؟ جبت الشهادة دي رأي عين. انت شفت فين؟ يا اخواننا ربنا لا يعبد الا باليقين. يا اخوانا ربنا لا يعبد بالشك. ربنا لا يجرب. يعني لما كنت باكلم حد كده من يومين فبكلمه في اجابة الدعاء حاسس ان الشك في عينيه -

00:48:51

ان الهزة جواه. هو انت شاكك افي الله شاك؟ انت عندك شك في قدرة ربنا على اجابة الدعاء. ورحمة ربنا لو انه سميع الدعاء. يا اخواننا وانا على ذلكم من الشاهدين دي الكلمة اللي انت بتقولها عشان ينفع تدخل الدين ده. بتقول ايه؟ اشهد ان لا اله الا الله -

00:49:13

هو انت شفت الكون ولقيت ما فيش غير ربنا! هو انت شفت ربنا اصلا! او مال بتقول اشهد ازا! واشهد ان محمدا رسول الله. هو انت شفت جبريل وهو نازل للنبي عليه الصلاة والسلام - 00:49:33

لا ما شفتش الكلام ده بعيني. امال ايه؟ ده يقين بالقلب. الكلمة بتاعة سيدنا عثمان ابن عفان والله لو تهتكت الحجب ورأيت جنة ورأيت النار ورأيت ربي ما زدت يقينا. يا جماعة هنتعرض لامتحانات صعبة قوي لحظة الموت - 00:49:43

يا اخوان يا اخوانا لحزة الموت الشيطان هيجي يحاول يموتك يهودي او نصراني. واوعى تستبعدها. انت سبعتاشر مرة كل يوم بتدعي ربنا انك ما تموتش يهودي ولا نصراني بتقول غير المغضوب عليهم ولا الضالين. يعني انا عايز اقول لك - 00:50:03

لحظة الموت انت جهزت اليقين اللي هتموت به جهزت اليقين اللي هتدخل قبرك به. جهزت اليقين اللي هتمتحن سؤال الملكين في القبر يا اخوانا الحياة عايزة يقين. يا جماعة مشاكل الحياة عايزة يقين والا الانسان هينهار. في الاخر والعياذ بالله ممكن يشك -

00:50:21

عايز يقين انت جهزت اليقين اللي تواجه به الحياة. وانا على ذلكم من الايه؟ من الشاهدين. عشان كده ربنا بيقول لك ويرى الذين اوتوا العلم الذي انزل اليك من ربك هو الحق ويرى يرى ده يقين كانه شايف بعينه. الم تر ان الله يسجد له من في السماوات ومن في

الارض - 00:50:41

هو انا شفت الكون ببسجد يا رب؟ ده يقين بقلبك كانه شايفه؟ بعنيه الم تروا ان الله سخر لكم ما في السماوات وما في الارض يقين انك انت تبقى شايف بقلبك كانك بالزبط شايف بعينيك. اليقين يقين القلوب وانا على ذلكم من الشاهدين - 00:51:01

يبقى النقطة الخطيرة هنا ايه بقى اللي انا كنت عايز اقولها من دقيقتين؟ سيدنا ابراهيم في اية اربعة وخمسين بيقول لقد كنتم انتم واباؤكم في ضلال ايه مبين يبقى رأى الباطل باطل - 00:51:21

باية ستة وخمسين بيقول بل ربكم رب السماوات والارض الذي فطرهن وانا على ذلكم من الايه؟ من الشاهدين. يبقى رأى الحق حق يبقى سيدنا ابراهيم في الاول شاف الباطل على حقيقته. بعد كده شاف الحق على حقيقته. خد بالك هنخرج من النقطة دي بفائدتين

في - 00:51:34

غاية الخطورة. الفايدة الاولى ان عمر الحق ما هيسكن قلبك الا لو الباطل خرج من قلبك. سيدنا ابراهيم الاول شاف باطل باطل. بعد كده قال من الشاهدين الحق بقى في قلبه حق. عمرك ما هتقدر يدخل في قلبك الصبح - 00:51:54

لما يخرج من قلبك المشاعر الغلط. عشان كده الشاب اللي متعلق بفتاة. الشاب اللي على علاقة محرمة بفتاة. لو سمع الف درس. يا ابني الكلام اللي احنا بنقوله ده مش هيدخل قلبك. ليه يعني هو انت اللي خلقت قلبي؟ مش انا اللي خلقت قلبك سبحان مالك

الملك! انما يا ابني الحق ما بيدخلش غير لما الباطل يخرج - 00:52:14

الشاب اللي قاعد وسطنا ومدمن لمواقع اباحية. البنت اللي قاعدة وسطنا وعلى علاقة محرمة. الشاب اللي قاعد وسطنا وبيتفرج على صور محرمة رمى او مدمن عادة سرية ومش راضي يواجه المشكلة. الشاب اللي قاعد وسطنا وعلى علاقة بفتاة محرمة. الشاب يا ابني - 00:52:34

حق مش هيدخل قلبك غير لما الباطن يخرج من قلبك لازم تجاهد الباطل. حتى لو فضلت تقع في المعصية بس وانت بتجاهد الحق هيدخل قلبك. انما لما تستسلم لمعصية وتقول وانا هاعمل ايه بقى - 00:52:54

خلاص هاعمل ايه ؟ انت حر. هتلاقي المعاني بتسمعها بوندك مش بدخول قلبك. يبقى لازم الباطل يخرج من القلب عشان الحق يدخل. المعنى الثاني الخطير جدا ان سيدنا ابراهيم بيزيد يا جماعة مش الايمان يزيد - 00:53:08

ان سيدنا ابراهيم بيزيد يا اخوانا سيدنا ابراهيم كان دلوقتي بيقول في ضلال مبين. شوية بيقول انا على ذلكم من الشاهدين. شوية هينزل الواقع ويحطم الاصنام انك انت تقابل الاخ كل ما تقابله تلاقيه في زيادة - 00:53:23

انك انت تفضل على طول في زيادة انك انت ما تنزلش اللي هيسبب مكانه هيقع. انك انت تفضل على طول في زيادة. طب افضل على طول في زيادة ازاي ؟ انك تستمر على - 00:53:39

مال الايمان انك تسبب على اعمال الدين وعلى بيت الايمان. يبقى قضية انك انت تفضل باستمرار في زيادة دي قضية جدا ودي من الخصائص المهولة في قصة سيدنا ابراهيم في القرآن كله ان سيدنا ابراهيم ما بيقفش. ان سيدنا ابراهيم على طول كل اية بمقام ايماني جديد. كل اية - 00:53:53

جديد كل اية بفتح جديد في حياته هي ديت حياة المستقبل على الله يا جماعة انه على طول في زيادة ايمانية وفي زيادة في صلته الله سبحانه وتعالى اه عايزين نكمل بقى في الايات اللي احنا بدأناها ان شاء الله باذن الله. الحمد لله وكفى وصلاة وسلاما على عباده - 00:54:13

للذين اصطفى اما بعد اه خد القرار ده ازاي يا جماعة ؟ ازاي سيدنا ابراهيم قدر ياخذ القرار ده ؟ اقرا كده وتالله انا عايزك تتخيل ازاي انسان قدر ياخذ القرار ده وتالله لاكيدن - 00:54:34

ان اصنامكم بعد ان تولوا مدبرين. هي الجريمة ديت عقوبتها في القانون ايه ؟ في كل القوانين اللي في العالم عقوبتها ايه ؟ اعدام اعدام فورا بدون محاكمة. سيدنا ابراهيم خد القرار ده ازاي ؟ عارفين خد القرار ده امتى ؟ حد يبص في - 00:54:54

كده ونشوف خد القرار امتى ؟ حد يبص كده يشوف القرار ده اتاخذ امتى ؟ وتالله لاكيدن اصنامكم بعد ان تولوا القرار اتاخذ امتى ؟ بعد ما قال ايه ؟ وانا على ذلكم ايه ؟ من الشاهدين بعد اليقين بعد كلمة اليقين - 00:55:14

يبقى هتقدر تاخذ اخطر قرارات في حياتك وفي علاقتك بربنا لما توصل لليقين. يبقى انت قضيتك ان منسوب الايمان يزيد في قلبك. يعني لما نقول سيدنا ابراهيم خد القرار ده ازاي هنقول ايه ؟ انه الايمان. هو الايمان يا ابني. سيدنا - 00:55:34

سليمان خد قرار لا يمكن حد يتخيله ها اذ عرض عليه بالعشي الصافنات الجياد فقال اني انا احببت حب الخير عن ذكر انا حاجة تشغلني عن ذكر ربنا. حتى توارد بالحجاب خد قرار ردوها علي فطفق مسح. ازاي خد قرار انه يدبح عشرين - 00:55:54

الف فرس. خد القرار انه الايمان يا جماعة. انه الايمان. القرارات دي اخطر قرارات في علاقتك بربنا مش تقدر تاخذها غير لما ايمانك يزيد. عرفت ليه ما انتاش قادر تاخذ قرارات في عبادتك ؟ عرفت ليه ما انتاش قادر تاخذ قرارات في بعض المعاصي اللي انت متعلق

بها - 00:56:14

لان الايمان منسوبه مش زايد. لو الايمان منسوبه زاد هتقدر تاخذ هذه القرارات فجعلهم جذازا. دي الكلمة فبقى اللي احنا يعني عايزين آآآ يعني ايه يعني نتعجب من سيدنا ابراهيم فجعلهم جذازا فورا. سيدنا ابراهيم كان - 00:56:34

صادق العزم يا جماعة. سيدنا ابراهيم لما كان بياخذ قرار ما كانش بيتردد بعد كده. فجعلهم جذازا. الجذ ان انا اخلي الحاجة ان انا امسك لوح ازاز اخليه فتافيت. والجز في اللغة ان انا استأصل الحاجة من الجزور بتاعتها. يعني تخيل كده فكر - 00:56:54

سيدنا ابراهيم في مواجهة الباطل شكله ايه؟ تخيل شلة شباب وبنات واقفين في الجامعة مع بعض او واقفين في نادي مع بعض. واقفين يتكلموا ويضحكوا مع بعض القعدة دي وراها مصيبة. كل واحد من الشلة ده هيروح هيعمل مصيبة. الشاب ده هيروح هيعمل عادة سرية. والشاب ده يروح هيقع في الزنا - [00:57:14](#)

والشاب ده هيتجوز دي عرفي. ويبقى زنا عرفي والعياز بالله. والشاب ده هيروح يتفرج على حاجة قذرة على النت. والشاب ده يبقى اذا القعدة دي نتج عن كل واحد فيها مصيبة. ما هو الشحن الباطل اللي اتشحنه ده هيفرغه في ايه؟ في مصيبة. طيب - [00:57:34](#)
قال لي بقى انا راجل داعية شفت المنزر دا. هاقوم جاي ادي درس عن حرمة العادة السرية. عشان الشاب اللي وقع فيها. والدرس اللي بعده حرمة الزنا عشان الشاب اللي هو فيه. والدرس اللي بعده حرمة الجواز العرفي عشان الشاب اللي هو فيه. والدرس اللي بعده حرمة - [00:57:54](#)

مواقع الاباحية عشان يبقى انا ما بفهمش دعوة. واللي يعمل كده ما هوش فاهم دعوة. امال ادي لو انا عايز اضرب المنزر ده كله في درس واحد. ادي درس عن ايه - [00:58:14](#)

عن ايوه سمعت الكلمة عن ايه؟ عن الاختلاط. لان كل المصايب دي كانت بسبب ان دي وقفت مع يبقى عايزين نواجه الباطل نعالج الباطل علاج جذري. هي دي كلمة جعلهم جذاذا. يعني فتتهم تحت - [00:58:24](#)

اللاوسان دي كانت مبنية يا جماعة. يعني ممكن اصلب من العواميد بتاعة المسجد دي. سيدنا ابراهيم من الكره اللي في قلبه للباطل فضل يضرب يضرب لحد ما خلاها فتافيد. دخل على سبعين وسن حطم تسعة وستين - [00:58:44](#)

وزن فيهم فتافيت من غل سيدنا ابراهيم على الباطل. انت قلبك فيه الغل ده. شف سيدنا موسى وبيقول وانظر الى الهك الذي علي عاكفا لايه؟ لايه؟ لنحرقن ثم لننسفن. شف - [00:59:04](#)

الكلام شف الالفاز اللي سيدنا موسى بيقولها واحد قلبه مليان كره للباطل. قال لك نحرقن ده لما يولع فيه وهو في قمة الحرارة ترمي فجأة في مية باردة يقوم يتنسف. ثم لا ننسفن. فيه قراءة تانية مش لنحرقن لنحرقن. قال لك يعني ايه - [00:59:24](#)

قال لك اللي هو ان الواحد يجيب مبرد ويبرد الحاجة. عارفين المبرد اللي تقعد تبرد به الحاجة لحد ما تايه؟ ما تساويها. طب يعني ايه الكلام ده سيدنا موسى مش عايز العجل يتنسف وهو بملامحه. فيبقى اخر مشهد قلوب بني اسرائيل شافت العجل عليه -

[00:59:44](#)

شافته في ملامحه ده عايز يبرد ملامحه الاول بحيس انه يطمس كل الملامح. فاخر مشهد يشوفوه قبل ما تولع فيه النار ويتنسف.

مشهد بلا ملامح. فما يتطبعش في قلوبهم حاجة. ايه الفكر ده يا اخوان؟ ايه الفكر ده؟ وعايز يحرقه - [01:00:04](#)

لان الله اللي يخلق النار لا يمكن يتعذب بها. ولا يمكن يولع بها. سيدنا موسى باصص على قلوب بني اسرائيل ازاى بقى؟ ما هو في نفس الايات دي في سورة طه آآ قبلها بصفحة ونص. ربنا بيقول له ايه؟ وما اعجلك - [01:00:24](#)

قومك يا موسى ده لسة لسة خمسة وعشرين يناير بتاعتهم. يا موسى انت ايه اللي اعشرك عن قومك! ايه اللي خلاك تسبيهم! ده لسة محتاجين وعز وتربية عجلت ليه يا موسى وجيت ليه استعجلت ليه وما اعجلك عن قومك وما اعجلك عن - [01:00:44](#)

قال هم اولائي على اثري. يا رب ده الناس كويسة جدا يا رب. ده انا سايبهم مقطعين سجاجيد الصلاة يا رب. ده انا سايبهم ها زي ما ييجي داعية كده - [01:01:04](#)

يقعد قدام الشباب دول الوقتي كده فيقول ما شاء الله! ما شاء الله على الشباب الملتزم! ما شاء الله على الشباب اللي ساب الشهوات وجه المسجد! استنى يا حبيبي ده ده مدمن آآ معصية كزا. وده ما انتاش عارف امبارح كان بيعمل ايه. وده اهو دي قضية انك ما

تتخدعش بالزاهر - [01:01:14](#)

بيقول موسى يا رب هم اولائي على اثري يا رب اهم على طريقتي وعلى منهجي قاعدين يصلوا ويصوموا يا رب. قاعدين يعبدوك. فربنا سبحانه وتعالى قال له لأ يعني سيدنا موسى نظر الى ان هو بيصلي انما جوة قلبه رواسب الجاهلية شكلها ايه. فسيدنا موسى

لما رجع لقاهم عبدوا - [01:01:34](#)

العجل سيدنا موسى وجد ان ظاهر حال العبد حاجة ورواسب الجاهلية اللي كانت في قلوبهم تجاه العجل حاجة فشوفوا فقه الانبياء بقى. شوفوا فقه المرسلين. فلما سيدنا موسى جه حطم العجل ما حرقوش وخلص - [01:01:54](#)

ما هدوش وخلص. ده هدوا بمنزر يهدموا في قلوب الناس. يعني سيدنا موسى بيعالج المعصية علاج قلبي. وده ايه اللي احنا عايزينه يا جماعة فجعلهم جذاذا. يا اخوانا احنا مش عايزين المعصية تتكسر من حياتنا. احنا عايزين نجزها من قلوبنا - [01:02:14](#)

احنا عايزين نستأصل جذور الشهوة من قلوبنا. عايزين نستأصل رواسب الجاهلية من قلوبنا. اوعى تتخدع بنفسك يا ابني اوعى تتخادعي بنفسك. اوعى تظن انك لانيك بقيت شكلك قدام نفسك ملتزم. ان انت قلبك مش مليون مصايب. ان انت - [01:02:34](#)

مش مليون بلاوي. ان انت قلبك مش مليون مشاكل. هي القضية عاملة زي كوباية شاي واتسابت شوية فالتفل رسب في القاع. فانت متهيأ لك ان الشاي ما شاء الله الكوباية صافية. انما لو جبت معلقة وقلبتها التفل هيرجع تاني يعكر الكوباية كلها. اهو انت قلبك كده! انت مش - [01:02:54](#)

قلبك صافي انت الشهوات والشبهات رسبت في القاع. لما هتيجي الفتن تقلبها هتنكر قلبك هتصدم من قلبك. يبقى الحل ان احنا عالج رواسب الجاهلية في قلوبنا علاج جذري. هي دي القضية انك تجعل امراض قلبك زجاجة - [01:03:14](#)

تيجي الزهب من الجذور النقطة الاخرانية اللي احنا عايزين نعلق عليها. ركزوا معي بقى يا اخواني. ها آآ قالوا ها قال بل فعله كبيرهم هذا فاسألوه ان كانوا ينطقون فرجعوا الى انفسهم. ثم نكسوا على رؤوسهم بقوا شايفين كل حاجة بالمقلوب تاني - [01:03:34](#)

قال افتعبدون من دون الله! شف بقى القنبلة اللي انفجرت فجأة في وجوههم ديت! شف بقى سيدنا ابراهيم لما انفجر في وجوههم وهو يعظ شعب باكملة قال افتعبدون من دون الله ما لا ينفعكم شيئا ولا يضركم اف لكم ولما تعبدون من دون الله - [01:03:54](#)

الا تعقلون الشعب اول ما شاف سيدنا ابراهيم بيعمل كده سورة شعبية بقى على اهل الدين في المجتمع. يعني تخيل شحن للناس اهل الدين في المجتمع لحد ما الناس بجهلها. او بعض الناس بجهلهم ظنوا ان اهل الدين هم المشكلة. قالوا حرقوه قالوا - [01:04:14](#)

وده يعني ده قرار عام. يعني الناس بنفسها هي اللي بتهتف ده لازم يتقتل. ده لازم يستأصل ده لازم. قالوا حرقوه وانصروا الهتك ان كنتم فاعلين قلنا يا نار كوني بردا. خدتوا بالكم من اللي حصل يا جماعة؟ خدتوا بالكم - [01:04:34](#)

التغير الرهيب اللي حصل طول الايات قال قالوا لحد ما قالوا حرقوه قلنا يا نار كوني بردا. فجأة لا عاد قالوا ولا قال وبقت قلنا الله تكلم من اجل ابراهيم. سبحان الله العظيم! اخ بيقول لي افرض يعني الدروس الدعوية اتمنعت ولا حاجة؟ قلت له - [01:04:54](#)

ربنا بيقول ويحق الله الحق بايه؟ بكلماته مش بكلماتنا احنا. لو كلماتنا وقفت كلمات الله لن توقف ويحق الله الحق بكلماته. زي ما قلنا الوقتي البيت اللي خرجت منه الاوثان هو - [01:05:24](#)

اللي ربنا خرج منه اللي حطم الاوثان. الله قادر يا جماعة. الله بيذل الجبابرة بلطفه. سبحانه وتعالى. بخفي الطاف الله في الحق وفي الترتيب للحق يعني ممكن واحد كده يقرأ الآية اللي في الاول اللي احنا قعدنا نتكلم عنها في الاول ونقول ما تحبطش وكنا به - [01:05:44](#)

عالمين طب فين يا رب؟ اهو الناس قاعدة مبهدلاه. والمحكمة اتعملت. فين بقى كنا عاملين؟ والمحركة بتتعمل فين فجأة قلنا كأن كل اللي فات ده كان ربنا معه. وكان ربنا عالم به. وربنا ما سابوش. ولكن ربنا يربي - [01:06:04](#)

عبده احيانا ان ما يجيلكش رسائل ربانية. فترة من الفترات كده تلاقي نفسك حاسس انك لم تشوف رؤية ولا فيه مسلا حاجة ان انت ماشي مسلا على الطريق كويس او ربنا راضي. ربنا بيربيك عشان تتمتن. عشان تبقى راجل كمل اوعى تقف - [01:06:24](#)

فجت في الآخر قلنا يا نار كوني بكلمة كوني النار بتحرق وبكلمة كوني النار ما بتحرقش بكلمة تكوني السماوات بتتبنى وبكلمة تكون السماوات بتتهد ده الكلمة الكون بقى خلاص مالك كل شيه قلنا يا نار كوني بردا وسلاما بس - [01:06:44](#)

مش عموما على ابراهيم ان ربنا يعاملك غير الناس. ان ربنا يخصك بمعاملة غير الناس. عايز ربنا يعاملك غير الناس؟ عامل ربنا غير الناس. عايز في زمن الكآبة. عايز في زمن عسر الارزاق. عايز في زمن التوتر والهمل والخنقة - [01:07:04](#)

عايز في زمن المشاكل ربنا يمشي لك كل حاجة في حياتك سهلة. عامل ربنا غير الناس وربنا يعاملك غير الناس. عامل ربنا الناس بتعامل ربنا عاملة انت شايفها. عامل ربنا انت بقى معاملة زي ما انت شايف كده في قصة سيدنا ابراهيم. وشف ربنا هيعاملك ازاى من الحاجات اللي بتوقفني - [01:07:24](#)

الايات دي يا جماعة لما ربنا بيقول بعدها ونجيناه ولوطا. الى الارض التي باركنا فيها ووهبنا له اسحاق ويعقوب نافلة من غير دعاء وكلا جعلنا صالحين وجعلناهم ائمة. باقول ياه سيدنا ابراهيم ادى لربنا ايه؟ وربنا ادى له ايه - [01:07:44](#)

تعالوا نحسبها تجاري يا جماعة. تعالوا نحسبها بمنطق السوء. السوق. تعالوا نحسبها بمنطق الفلوس سيدنا ابراهيم دفع ايه وخذ ايه؟ اللي خده ابراهيم عطاءات دين ودنيا واخرة لا توصف سيدنا ابراهيم ادى ايه؟ ادى وقت لربنا ادى عمره لربنا ما كده كده كان عمره رايح. وكده كده ان لم تنفق الاعمار في الحق فستنفق في الباطل - [01:08:04](#)

ولكن سيدنا ابراهيم في الاخر خد ايه؟ سيدنا ابراهيم خد كل حاجة اخر حاجة بنعلق عليها قول الله سبحانه وتعالى في اية ثلاثة وسبعين وجعلناهم ائمة يهدون بامرنا. يا اخوانا خلاص ما عدش ينفع النمازج الضعيفة بتاعة الالتزام - [01:08:34](#)

اقع ده اهل الباطل فيه بقوا ائمة. ما ينفعش اهل الحق يبقوا فيه شوية هواة. ما حدش هينفع. اهل الباطل محترفين. ما ينفعش اهل حقه يبقوا شوية لاعبين. اهل الباطل بقوا ائمة في الباطل. لازم اهل الحق يبقوا اما في الحق. ومش هتبقى ايمان في الدين. الا لو بقيت - [01:08:54](#)

امام في الفقر الا لو بقيت امام في الدعاء. الا لو بقيت امام في التوجه. الا لو بقيت امام في الافتقار الى الله سبحانه وتعالى على قد ما نفتقر لربنا على قد ما ربنا هيفتح عليك. ان شاء الله بازن الله الليلة هيتوزع عليكم آآ او فعلا اتوزعت عليكم. المرحلة الرابعة في الخطة - [01:09:14](#)

الخمسية خطة الاستعداد لرمضان اللي احنا بدأناها من قبل رجب بايام قليلة. والنهاردة وصلنا للمرحلة الرابعة. يوم ما بدأنا نوزع الورقة جماعة كان عبارة عن عن آآ الصلوات الخمسة بس. والناس قالت يعني ايه؟ يعني في ناس ممكن استقلت الموضوع. هنبدا كده اهو - [01:09:34](#)

النهاردة معنا كل السنن الرواتب. يوم ما بدأنا يا جماعة كنا بنصوم يوم واحد في الاسبوع. النهاردة صيام يومي في يوميا يعني شوفوا اللي بدأ معنا من الاول. انا عارف ان مش كل الناس مشت على الجدول ده. انما انا عايز اللي ما مشاش - [01:09:54](#)

هل يحزن الوقتي يحزن لما كان ما هوش راضي ببداية بسيطة سهلة والنهاردة شايف ان الجدول بقى اعلى من اللي هو اعملوا عشان تعرف ان مش هتوصل غير لما تمشي بتدرج. ولكن كونوا ربانيين. ها ابن عباس قال لك اي صغار العلم قبل كبار - [01:10:14](#)

يعني كونوا متدرجين. ما حدش هيوصل غير بالتدرج. غير بالترقي التدريجي. يبقى النهاردة بقى فيه صيام يوميا كنا في الاول بنقول قراءة ربع قرآن. النهاردة قراءة حزب قرآن بتدبر وخشوع. يعني الموضوع بيزيد اهو وكل ده لحد الان - [01:10:34](#)

عايز تزود عن كده زود بس ده الحد الادنى. كنا في الاول بنقول ربع ساعة قيام ليل. النهاردة قيام ساعة الا ربع مع صلاة الوتر ساعة الا ربع حتى لو بعد العشاء. بس المهم انك انت تقوم ساعة الا ربع. المرة دي المعصية اللي احنا نتوب الى الله منها ترك الافلام - [01:10:54](#)

والمسلسلات آآ طبعاً آآ يعني احنا داخليين على موسم الافلام والمسلسلات. فاحنا لازم نحصن نفسنا من الوقتي. لان يعني لازم باين يا جماعة ان مش الكل محصن يا جماعة ولا حاجة. ما حدش يبص حواليه يقول افلام ومسلسلات ايه. ما كل اللي قاعدين مشايخ اهو لأ يا حبيب قلبي اوعي تظني واوعى تظن كده - [01:11:14](#)

ثلاث تربعنا يا جماعة بيقعوا في معاصي متكررة ومحتاجين وقفة مع النفس في هذا الامر. الخلق بتاع المرحلة افشاء السلام مع الابتسامة يعني يعني دي من اعظم العبادات التي يحبها الله سبحانه وتعالى. بذكركم ثاني يا جماعة بتحفيظ القرآن. يا اخي ده - [01:11:34](#)

لسه على رمضان ثلاث اسابيع. بافكركم ثاني يا جماعة بتحفيظ القرآن. دا رمضان على الابواب. يا اخوانا بازكركم بتحفيظ القرآن

السلف كانوا يبسموا شعبان شهر القراء القراء لانه كان شهر مراجعة القرآن. شهر خلاص الكل بيراجع فيه القرآن. يعني ده شهر فيه حفظ - [01:11:54](#)

القرآن من الاعمال المهمة بفكركم ثاني يا جماعة بتحفيظ الصديق والجماعة الشرعية للنساء ومسجد الصديق للرجال. بفضل الله لما الامتحانات بدأت تخلص العدد بدأ يزيد ثاني وفي ناس من يعني راحت معنا بدأت ترجع ثاني ولكن يا اخوانا بذكركم ثاني اي اخت معنا - [01:12:14](#)

ما تحفظش قرآن تسلم نفسها لتحفيظ المحطات السبعة بتاعة الجماعة الشرعية باذن الله سبحانه وتعالى. ونمشي مع بعض في القافلة يا جماعة. لان ان شاء الله باذن الله احنا ماشيين في قافلة لسة في اعمال. يبقى لما انت تقع معنا في الاول هتكمل معنا ازاى ؟ والاخوة اللي ما بتحفظش يا اخوانا لو - [01:12:34](#)

رح بكرة السبت بعد الظهر او بعد العصر سلم نفسك في تحفيظ مسجد الصديق طريقة المحطات السبعة. يا اخوانا ما ينفعش حد معنا يبقى مقصر في الاعمال اللي احنا بنشتغل فيها عشان نتبنى ونتربى. يعني انا الوقتي قاعد اقول لك معاني ايمانية. في قصة سيدنا - [01:12:54](#)

طب اجيب المعاني دي منين لما تحفز القرآن وتسبت عليها تيجي. لما هتقعد في الورش مع اخوانك ومع اخواتك وتتصاحبوا وتعبدوا ربنا مع بعض وفي الاعتكاف تعتكفوا مع بعض هتيجي لما تطبق الجدول التعبدى ده هو خط السير بتاع الاسبوع دهو باذن الله سبحانه وتعالى - [01:13:14](#)

هتيجي باذن الله سبحانه وتعالى لما انت تطبق الكلام ده هيجي. يبقى العبادات هي السبب في زيادة الايمان الصلاة اللي احنا كنا وزعناها من فترة اللي هي بتاعة شنت رمضان والصدقات وكده. الحصالات اللي كنا وزعناها. يا اخواني في الله الاسبوع - [01:13:34](#) النهاردة بقى ان شاء الله تملوها اكثر عشان تجيبوها الجمعة الجاية. تسليم الحصالات من الاخوة والاخوات الجمعة الجاية باذن الله سبحانه وتعالى اخوانكم في مسجد البدر في سامية الجمل. ببيذكروكم بمحاضرة الشيخ علي لقم. بعد صلاة العشاء في مسجد البدر - [01:13:54](#)

في سامية الجمل مسجد البدر اللي هو يعني جنب بيتي للي عارف بيتي او سامية الجمل بقى للي ايه يعني بيتيالي مسجد البدر معروف يعني فالشيخ علي لقم ربنا يحفضه عنده محاضرة - [01:14:14](#)

الان فاخوانكم في مسجد بدر ببيذكركم بهذه المحاضرة. نسأل الله سبحانه وتعالى اللهم بلغنا رمضان واجعلنا فيه من الفائزين يا رب العالمين. اللهم سبنا بطاعتك. اللهم بلغنا رضوانك. اللهم ارض عنا. اللهم استعملنا ولا تستبدلنا. اللهم لا تستبدلنا. اللهم لا تستبدلنا - [01:14:24](#)

اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا. اللهم انفعنا بالقرآن اللهم انفعنا بالقرآن. اللهم خلقتنا باخلاق القرآن. يا رب العالمين. اللهم طهر قلوبنا. اللهم اضئ قلوبنا - [01:14:44](#)

اللهم احي قلوبنا يا مقلب القلوب ثبت قلوبنا على دينك. يا مصرف القلوب صرف قلوبنا على طاعتك. اللهم قوي في رضاك عزما يا ارحم الراحمين ربي اجعلنا لك صوامين لك قوامين لك ذكارين لك شكارين برحمتك يا ارحم - [01:15:04](#)

سبحانك اللهم وبحمدك اشهد ان لا اله الا انت استغفرك واتوب اليك - [01:15:24](#)